



Libanga 3

# Incwadzi leNkhulu yetindzaba tabotwana



basic education

Department:  
Basic Education  
REPUBLIC OF SOUTH AFRICA



SISWATI

Incwadzi

3

# Indela yekusebentisa leNcwadzi leNkhulu:

## Tindzaba kulencwadzi:



### 1 Idayari yemfihlo yaMbali



### 2 Umbhalo waDvubile



## Kulungela umkhakha wekufundza iNcwadzi leNkhulu

- Cinisekisa kutsi bonkhe bantfwana yakhona kubona incwadzi. Uma likilasi lakho lilikhulu, kuncono usebente ngelicembu lelincane.
- Kungasita kakhulu kutsi wente incwadzi ime mpo khona kungeke kudzingeke kutsi uyibambe usafundza. (Bona imiyalo yekimisa incwadzi kukhava yangemuva.)
- Sebentisa irula noma lutsi lwekukhomba kulandzelela noma kukhomba emagama usafundza.
- Uma ufuna kugcizelela emagama latsite ngalinye, unganameka emanotsi ekunanyatsiselwa dvute nalelo gama kuligcamisa kulamanye noma-e wente ‘lifasitelo lemplingo.’ Sebentisa liphepha lelingucalandze lelinesikhala lesincane saclanzde lesisikwe emkhatsini walo. Beka localandze etu kwembhalo kute kutsi esikhaleleni kuvele ligama linye.

## Umkhakha wekucala wekufundza ngekwabelana

Sifundvo sekucala sibhekana nekutijabulisa ne ‘kubona’ umbhalo kwekucala, nebantfwana baniketa imivo yabo ngembhalo.

- Phenya emakhasi endzaba labatayifundza. Cocani ngemidvwebo.
- Cela bafundzi bacombelele indzaba basusela esihlokweni nasetitfombeni.
- Yetfula emagama lamasha noma lalukhuni embi kwekube bafundzi bacale kufundza indzaba.
- Yakha emakhadi emagama kwetfula emagama lamasha.
- Fundza indzaba, usebentisa simo-buso ubuye ugucugucule liphimbo, sevinini nekuphakama kwelivi. Sebentisa iminyakato netimo-buso.
- Landzelela umbhalo usafundza ngekukhomba emagama ngendvuku noma irula khona bantfwana batowubona kutsi ufundzani bese balumbanisa umsindvo netimpawu ekhasini. Loku kutabasita futsi kutsi babone inkhambiso yekufundza kusuka ngesancele kuye ngesekudla ubuye usuke etulu uye phansi.
- Loku kusebentise njengelituba lekwetfula ‘inkhulumo yakancwadzi’ njengaloku: emagama, umusho, likhasi, umbhalo sihloko, njll.
- Lawula bafundzi batibandzakanye endzabeni ngekungenela kumphindza (sib. “Gijima, gjima, gjima ushiye sitfunti, angek’ ungibambe – Ngiyindvodza mcatsane!”).
- Indzaba ngayinye kufute ifundvwe kibili katsatfu kuniketa bafundzi litfuba kwenta imphindza yemagama latsite, kwenta siliganiso semsebenti noma kukuye bateke tincenye letitsite tendzaba ngemagama abo.

## Umkhakha wesibili wekufundza ngekwabelana

- Kulomkhakha wesibili kusetjwentisa wona lowo mbhalo kodvwa-ke nyalo kunakisiswa kakhudlwana kutibsndzakanya ekufundzeni abe thishela asebentisa tinkhulumiswano letichubekako kucija kucondzisa emagama, kuciphiya emakhono nekwakheka kwembhalo (luhlelo, timphawu tenkhulumo njll).
- Kuphuma kuwe-ke, thishela, kuheha bafundzi kutsi banakisise incenye yalesifundvo letsintsana nalokunye kwaloku lokulandzelako: imicondonjulo yekubhaleka, timphawu tembahalo, imisindvo, kuhleleka kwelulwimi, emasu ekubona nekucondzisa emagama etibabeni letehlukene (lesilula-nje, kuphindze ahlelembise, kufananisa tintfo letihlobene, kubuyeketa nekuvisisa imibuto).

## Umkhakha wesitsatfu wekufundza ngekwabelana

- Kulomkhakha wesitsatfu wekufundza ngekwabelana, bantfwana batifundzele umbhalo ngekwabo baphindze batibandzakanye emsebentini wetemlomo, kunyakata kanye nalokubhaliwe lokususelwa embhalweni.
- Nakukhonakala, umbhalo weKufundza ngeKwabelana kufute wemuketelane neKubhala ngeKwabelana lapho khona thishela abonisa kutsi umbhalo ubhalwa njani bese-ke bantfwana batibandzakanya emsebentini wekucanjwa kwembhalo thishela asatsatsa indzima yekuba ngumgcugcuteli nalobhala. Lesiboniso senkhambiso yekubhala iyabasita bantfwana balungisele imisebenti yabo yekubhala.

# Idayari yemfihlo yaMbali



Mbali bekatsanza kubhala kudayari yakhe malanga onkhe. Lilanga ngalinye, wabhala phansi lakwentile emini. Wabuye wabhala phansi timfihlo takhe ngaloko langafuni labanye bantfu bakubone.

Wati kutsi bekadzinga kuba nendzawo lekahle yekufihla idayari yakhe. Wabuka indzawo yonkhe ekamelweni lakhe watibuta kutsi kodvwa angayifihla kuphi, lapho kute namunye longayitfola khona.

Sigcino wancuma kuyifihla ngaphansi kwembhedze wakhe. Langa limbe ntsambama, ngesikhatsi Mbali nemngani wakhe Anna babuya esikolweni, Mbali wakhandza idayari yakhe iphasi ivuleke nge, esiyilweni selikamelo lakhe.

“Hawu, awubuke Anna! Kukhona lobekafundza idayari yami!” kusho Mbali.



"Musa kukhatsateka," Anna amdvudvuta. "Wena tfola indzawo lencono yekuyifihla kusukela manje."

Bayiphenculula idayari. "Bukisia nati tandla letingcolile letitsintse la," sekusho Anna. "Lena yinkhomba lemcola."

"Angingabati ngumfanyana waketfu, Thabo," kusho Mbali. "Thabo njalo nje uba neminwe lengcolile." Kodvwa wabese uyakhumbula kutsi umnakabo bekanemyaka lesihlanu nje ngako-ke bekangakwati kufundza kwamanje.

Khona lapho wakhandza lunwele lolumhloshana emkhatsini wemakhasi edayari. "Lena yinkhomba lemcola.

Kunemuntfu wetinwele letimhloshana lobekafundza idayari yami. Wonkhe umuntfu emndenini wami unetinwele letimhloshana. Pho, ngabe ngubani? Ngubani lengimatiko lonetinwele letimhloshana?” washo abuka tinwele ta-Anna letimhloshana ngekusola.

Lamantfombatana lamabili ancuma kubeka sitsiyo. Mbali wabuyisela idayari yakhe ngaphansi kwembhedze wakhe. Wavuvutela fulawa lomncane esiyilweni eceleni kwembhedze wakhe.

Uma kukhona nje longeta madvute nedayari yakhe, utambamba ngetinyatselo-sitfombe kufulawa.



Emantfombatana aphuma ekamelweni,  
abhaca ngale kwelikona alindza!

Khona manjalo, eva imisindvo inswininita  
ivela ekamelweni.

Bagijima babuyela ekamelweni laMbali.  
Mihlolo yani-ke le? Siyilo sasitse sapha  
tidladla letinafulawa. Wabanjwa feleba!

NguZola, inja yaMbali, lebeyineboya  
lobumhlophe. Uphishanekile Iwane  
udlala ngedayari! Emantfombatana  
akakukholwanga lakubona ngemehlo.

Kusho kutsi Zola bekakwati kufundza  
idayari! "Esikhatsini lesilandzelako,"  
sekusho Anna, agijimisa iminwe  
yakhe eboyeni benja lobumhlophe,  
"kutawufuneka utfole indzawo lencono  
kufihla idayari yakho."

Itsatselwe etindzabeni tekuhlolwa kwe-ANA 2012.

2

## Umbhalo waDvubile



## Ngingakacali nje ...

Libito lami nguJohani Tfawala, kodvwa bangani bami bangibita ngaDvubile. Njenga "Dvubile Dvumile," nami nginedayari. Ngikutsanza kakhulu kubhala kudayari yami futsi ngetama kubhala imibhalo leticeshana letimfisha onkhe emalanga. Kuyangisita kakhulu kucabanga ngekutsi ngingubani mine, ngentani lilanga ngelilanga, ngiphindza ngikhone kumelana netinkinga lenginato.


Ngingubani? Ngingumfana loneminyaka leyi-9 budzala. Ngihlala edolobhaneni namake nababe. Nginadzadzewetfu lomdzala kimi Philile, loneminyaka leli-12 losichochota kakhulu sinemnaketfu loneliminyaka lemitsatfu budzala loluhlupho kakhulu.

Nginjani nje mine? Ngimfisha kunabo bonkhe bangani bami futsi ngifaka tibuko. Kulesinye sikhatsi kuba yinkinga loko ngobe bantfwana bacabanga kutsi ngingubobo bese bayangeya, kodvwa nakufika lapho bangati khona, bayangitsanza ngaso

sonkhe sikhatsi. Kulesinye sikhatsi bayangihleka bacabange kutsi ngiyahlekisa. Nawungafundza idayari yami utawubona kutsi ngicondzze kutsini.

Noma ngahlala elokishini, ngiya esikolweni endzaweni lelidolobha. Nginebangani labanyenti futsi batinhlobo letehlukene kanye nemibala leyehlukene. Siba nekutijabulisa ndzawonye.

Bangani bami labasembili boJabu, Robert, Jenny naShawn, noko nakute lobukako, naMary ngiyamtsandza kakhulu nje.



## Inyanga: Imphala

### Umsombuluko

Lamuhla bekulilanga lekubuyela esikolweni emuva kwemaholide ami ekuba matasatasa kakhulu.

(Bengiye emaholideyini, ngigibele lihhashi, ngawa ehhashini, angikacabangi nje ngesikolo.)

Esikolweni kube kuhle futsi  
kuba naboJabu, Robert naShawn.


Inkinga yami icale nakuphuma sikolo.  
Sibe nekuticecesha ebholeni yetinyawo.  
UMnu. Jones umceceshi ungitjele kutsi  
ngibuke emapali ebhola bese  
ngikhahlela ibhola.

Ngibone Mary angibuka ngasecadzini. Angati kufike ini kimi. Ngenta lisondvo-gici ngemtimba, phela sengetama kumjabulisa ngekuhamba nangetandla tami. Ngisuke lapho ngakhahlela kakhulu. Ibhola ihambise kwembane ngase ngiwa gankla, ngatsi caba ngemhlane.





Ibhola indize yacondza etulu  
yase ibuya phansi yahlala  
ebusweni bami yangishiya  
nemphumulo lebovu hhwe  
yingati!



## Lesihlanu

Lamuhla bekungulelinye futsi lilanga letinhlekelele.  
Make uhlale asitjela kutsi singabhukushi emfuleni.

Lamuhla belishisa kakhulu, ngako-ke tsine na Robert sancoma kuyowubhukusha emfuleni. Sikhumule sashiya timphahla tetfu emadvwaleni. Sasaphata emanti sibhukusha emfuleni. Sikhatsi sihambe masinyane sisadlala sitijabulisa.


Emva kwesikhatsi lesidze vele, nelilanga selitilahla kunina, siphumile emantini safuna timphahla tetfu. Nani kutifola. Sibuke yonkhe indzawo sase sibona timbuti tidla letimphahla tetfu. Ngibone imbuti ibaleka nesikhindi sami. Sitimbonye satimbonyisisa sase siyagijima siya ekhaya. Make bekatfukutsele afutselana! Angikavumeleki kuphuma ngiyowudlala liviki lonkhe. Ngitiva ngidvubuteke kabi ngobe timbuti tidle timphahla tetfu.



## UMsombuluko

Kulobusuku balamuhla ngitiva ngidvubutekile futsi. Bekulusuku lwekhonsati yesikolo. Bekufanele ngidlale sigaba sekuba yimphungushe kulendzaba ye "Mazinyane lasikhombisa". Nangingena nje enkhundleni yekudlalela, ngivele ngakhohlwa konkhe. Nobe bengilungiselela emagama lakhulunywa ngimi emaviki lamatsatfu lengcile, angikakhumbuli ngisho linye ligama. Ngibe nekwesaba kuma enkhundleni imilente yabopheka ngci.

Ngetamile kutsi, "Bantfwana ngingeniseni, ngingumake wenu. Kukhona lenginiphatsele kona lenitakudla." Liphimbo lami livele lanyamalala nje. Ngingingite ngatsi, "ban- ntf- bantfwana... nji... kwenu...kudla!" Thishela wami abephishanekile ngekungifaka emagama kodvwa akazange aphume emlonyeni wami. Ngibabonile bemndeni wami etibukelini. Bengesaba kakhulu. Kutsite ngisaphuma enkhundleni, ngavele ngangcundza sibaya setimbuti sawa. Hawu nebakitsi konakala konkhe!



## Lesitsatfu

Lamuhla besineluhlolo IwesiNgisi. Bekuluhlolo Iwe-ANA lolubhalwa ngubo bonkhe bantfwana kulaseNingizimu Afrika. Ngisasebenta umlomo wami uvele woma nje. Bengesaba. Ngikhiphe ngekucophelela libhodlela lami lejusi ngetsemba kutsi angeke angibone thishela wami. Kodvwa ungibonile! Asangibuka, ngishayise libhodlela ijesi yacitsekela ebhukwini lami leluhlolo yengcela kulaRobert.

Ngiyiswe ehhovisi lempathsikolo washayela make lucingo. Ngifile ngumake futsi! Liciniso kutsi angikajabuli. Empeleni ngifikelwa kudvubuteka futsi.



Inyanga: Lweti

Lesitsatfu

Lamuhla ngihambe ngayowuntjweza ngamtolotolo sinabo Shawn na Robert. Siye epaki yetekuntjweza. Bo Shawn na Robert bantjweze beca emabhampi bengca nasesipolweni. Ngetamile, kodvwa ngabhabhalala bhu ngebuso. Ngisesula lutfuli ebusweni bami, ngibone dzadzewetfu Philile loneminyaka leli-12 budzala. Utsite make uyangifuna.

Philile utsetse makalabha wami wekuntjweza, Philile ngemizuzwana nje wabese antjweze sigaba lesingaba yihhafu yelishubhu futsi aphencuka enta 360 wema-digri! Kwentiwa yini kutsi emantfombatana ahlala enta kahle etintfweni tonkhe nje! Ubese untjweza waya ekhaya, mine solo ngijijima ngemuva ngimlandzela ngetama kumkhandza. Make ungitsetsise kakhulu ngobe bengingakagcoki makalabha wekuntjweza.

Angikhonanga nekumchazela abone kutsi Philile ugcoke makalabha wami. Kulesinye sikhatsi bantfu labadzala kuyabaphica nje!



## Lisontfo

Lamuhla kudzingeke kutsi siye kagogo ngesidlo semadina. Kube mnandzi kubona bomzala wami, kodvwa kudzingeke kutsi ngibonane nayo yonkhe "lenkumbula" yabomake!

"Ase nibuke kutsi Joni muhle kwani!"

"Maye sewukhulile, nyalo sewulijaha lelikhulu!"

"Sowufundza Libanga 3 vele? Buka umfanyana lose akhule kangaka!"

Mamíncane Jane ubese ungipha lijezi langinithele lona. Ngiyati kutsi unithe ngelutsandvo sitishi ngasinye kodvwa bekacabanga kutsi ngiseneminyaka lesihlanu budzala.

"Hawu, ngiyabonga Ncane. Bengisolo ngilifuna lijezi lelimtfubi", ngasho ngekutitfoba. Kulesinye sikhatsi bantfu labadzala kuyabaphica nje.



## Inyanga: Lweti Lesihlanu

Kulobusuku bayitolo ngihambe ngayowulala ekhabo Robert. Ngisetumekile ebutfongweni ungvivusile Robert ngobe eva umsindvo ekhabetheni lakhe. Bekacabanga kutsi yinkanyamba. Setfuke kakhulu sagcina sikhanyise lithoshi ekhabethini sabona emehlo lamabili lamtfubi akhatimula. Masinyane nje kwaba khona lokuzubako kuphuma ekhabethini. Simemetem nekwesaba sicabanga kutsi yinkanyamba. Bekuyini? Eyi, bekulikati laRobert kodvwa angikhonanga kulala emva kwaloko.

Lamuhla ngilele hhu eklasini. Thishela wami utsite utawushayela make lucingo kwenteke ngiyagula.

Ngimtjelile thishela kutsi angikalali kahle kulobusuku lobengcile. Kodvwa uvele washayela make. Kulesinye sikhatsi bantfu labadzala kuyabaphica nje.



## Lesibili


Lamuhla-ke bekulusuku lwekutalwa kwathishela wami. Make unginike sikhehle setimbali letibovu tathishela wami. "Angeke ngitfwale timbali ebhasini," ngiticabangela. "Labanye bantfwana batawucabanga kutsi ngingumunfu lonjani nje?" Nali lisu lelihle! Ngavele ngatifaka esikhwameni sami kute kubete lotatibona.

"Kusile Nkhst. Mvulane, ngikufisela lusuku loluhle lwekutalwa."

Ngatikhokha timbali  
esikhwameni sami  
kodvwa bese  
tibatalele tephukile  
emkhatsini.

Kamuva sonkhe  
sahlabelela thishela  
wetfu lunwele loludze.





Wemukelekile kuloluchunge lwetinewadzi letinikhulu. Loluchunge lweNcwadzi leNkhulu luginceny yeLuhlu lwakaRainbow, lolufaka ekhatsi tincwadzi tekusebentela, limfomfo, tindzaba tetigaba nemaphosita. Setsema kutsi, ekufundziseni kwakho utatitfola tilusito lolukhulu letinhlobonhlobo tetindzaba letikuletiNcwadzi letinikhulu letisiphohlongo talesigaba, neafundzi bakho setsema batakujabulela kufundza ngekwabelana kwabo.

Sitatimende Simiso sekharikhulamu neLuhlolo (CAPS), seSigaba Sisekelo siphakamisa kutsi Kufundza ngekwabelana kunguleny yetintfo letimcoka emaswini ekufundza. Kufundza ngekwabelana imvamisa kuba khona emkhatsini wemalanga lamibili kuya kumane ngeliviki lapho khona umntfwana ngamunye aba nembhalo munye wekufundza. Tincwadzi tekusebentela netindzaba tetigaba tiwlunglele lona mgomo.

Kodvwa-ke, kufundza ngekwabelana usebentisa iNcwadzi leNkhulu lenemagama lamakhulu yindlela lenhle kakhu yekwenta kufundza ngekwabelana ngoba bantfwana bayawabona emagama netitfombe, bakhone nekukulandzela usafundza ngendlela lefana naleyo yekuteka inganekwane ekhaya. Kumcoka-ke kutsi bantfwana bahlale bagege iNcwadzi leNkhulu, khona bonkhe bakhone kubona futsi bafundze umbhalo. Lemibhalo lemikhulu wetinewadzi letinikhulu yenta kuhonakale kufundza uphimisele kuve bantfwana labanyentana ngasikhatsi sinye endzaweni lekhulekile lete umoya wekxesabisa.

TiNcwadzi letinikhulu kuloluhlu titakwetfula bafundzi bakho eluchungeni lwe tindzaba, tinkondlo, tilandzelo nemidlalo tibuye tibetfulele lwatiso nemibhalo leyimidvwebo.

Kungumsebenti wakho, njengathishela kwenta tindzaba tiphile kubantfwana ubuye wakhe simo lesinenjabulo nenhabunkhabu. Kusebentisa tiNcwadzi letinikhulu kukusita kutsi ukhone kubonisa inkambiso yekufundza ngendlela leletsa injabulo kuwe kanye nakubafundzi bakho. Setsema-ke kutsi lencwadzi itakusita wente kona loko.

## Lamanye emasu ekusebentisa iNcwadzi leNkhulu

- Sebentisa sicephu sepulastiki lelikhanya ngale njengendvwangu lembonya ngaphasi kweNcwadzi leNkhulu. Litawubuye lisite kutsi bantfwana nathishela bakhone kubhala kulo lelipulastiki.
- Bhala ngepheni lecimekako futsi lengagezeka kulelipulastiki.
- Sebentisa sichano lesikhulukati kufasela lesicephu lesikhanya ngale encwadzini lenkhulu.

## Yakha yakakho insika yeNcwadzi leNkhulu

### Utawudzinga:


- Likhadibodi lelibanti ngekulingana neNcwadzi leNkhulu nayivulekile (594 mm) bese budze iphindzeke ka-3 encwadzini (1360 mm).
- Ithephu lecinile lenkhulu lemhloshana
- Timbili tifasa-phepha noma emaphekisi kubamba ikhadibodi ingaphakami.

Sebentisa lethephu lenkhulu kuhlanganisa tincenye tekhadibodi.

Goba ikhadibodi kwenta sibaya sa-A bese uchanela ndzawonye sisekelo nelingembili njengoba kukhonjisiwe kulomdvwebo ngentasi.



ISBN 978-1-4315-2959-9



ISBN 978-1-4315-2959-9

THIS BOOK MAY NOT  
BE SOLD.



basic education

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay

